

He Ngohe Aromatawai ā-Roto Mō ngā mahi whakamahere anake

Te Ingoa o te Ngohe: Ngā whānau puoro

Aronga: Toi Puoro 1.1B

Paerewa Paetae: Toi Puoro 1.1

Kaupae: 1

Whiwhinga: 5

He Tohutohu mā te Ākonga

I tēnei ngohe

I tēnei ngohe, ka rangahau koe i ngā āhuatanga motuhake o tētahi whānau puoro.

Te horopaki

Ko tāu nā mahi he mahi takirōpū ki te whakarite whakaaturanga mō tētahi o ngā whānau puoro.

Mā koutou ko tō rōpū tētahi whānau puoro e kōwhiri, e rangahau. Kātahi ka whakarite whakaaturanga koutou e whakaaturia ai ōna āhuatanga.

Ka aromatawaingia tāu whakaatu māramatanga ki ngā āhuatanga motuhake o te whānau puoro.

Hei mahi

Me mahi takirōpū ki te kōwhiri, ki te rangahau i tētahi whānau puoro (hei tauira, ko Raukatauri, ko Tāwhirimātea, ko Pūtehue, ko Tangaroa, ko Papatūānuku, ko Tāne)

Rangahaua, tautohua ngā āhuatanga e motuhake ai taua whānau. Hei tauira, ko ngā whakapapa, oro, reo, wairua, tae atu ki ngā hononga o tēnā taonga, o tēnā taonga o roto i taua whānau.

Whakaritea tā koutou whakaaturanga. Kei a koutou te tikanga mō te momo whakaaturanga, arā pea, he waiata motuhake, he whakaari, he pakiwaitara, he aha atu rānei. Ko te tikanga ia, kia whakamārama atu koutou i ngā āhuatanga motuhake o taua whānau puoro me ngā hononga kei waenga i ngā taonga.

Tukua tāu whakaaturanga ki te rōpū.

Kōrero Āpiti

ariā toi puoro	<p>Ko ngā kaupapa/whakaaro/kōrero e noho ana hei tūāpapa mō tētahi mahinga/tikanga toi, i toko ake ai taua mahinga/tikanga toi.</p> <p>Hei tēnei ngohe, ko ngā ariā toi puoro ko ngā āhuatanga motuhake o tētahi whānau puoro.</p>
----------------	--